

Kriol Lichrasi Klaas da UB!

Ih eezi fi laan fi reed ahn rait Kriol.

Di **UB Institute for Cultural and Indigenous Languages** di aafa wahn 4-week klaas weh wahn meet aanlain , **Febiweri 10 – Maach 7, 2025 fahn 5:30 tu 8:30 p.m.** Di klaas nayhn **“Introduction to Bileez Kriol Literacy.”** Yu ku goh tu dis UB website (di UB distance learning website) fi sain op:

www.ubelearn.com

Yu pay wahn **\$25 dalaz** rejischrayshan fee oanli. Aal di mateeryal dehn wahn FREE aanlain. Pahn tap, if yu kompleet di 24 owaz ahn du di praktis ahn werk, yu wahn geh wahn **sertifikat** fi rekognaiz di Kriol lichrasi ahn chranslayshan nalij ahn skilz yu laan. **Weh dis klaas bowt:** Dis klaas mek fu pipl weh don noa fi taak Kriol bot dehn oanli reed ahn rait eena English an/er Spanish, er....Dis klaas wahn teeche yu fi reed ahn rait Kriol wid di standad raitn sistim weh deh eena di Kriol-English dikshineri. **Hoo maita waahn tek dis klaas:** Enibadi weh ga wahn need er wahn faiya fi reed ahn rait eena Kriol (laik poayet, myoozishan, koat ripoata, teeche, kolcha pipl, meedy a pipl, advataizment pipl). **Weh yu wahn laan:**

1. **Andastan bowt di Bileez Kriol raitn sistim**
2. **Laan bowt Bileez Kriol grama ahn sentens schrokcha**
3. **How fi reed Bileez Kriol**
4. **How fi rait eena Bileez Kriol**
5. **How fi chranslayt fahn English tu B.Kriol ahn di neks way**

Chek di websait abov er kaal: +(501)822-3680, ext. 1014

*Ahn kangrats tu **di nyoo Nashanal Kriol Kongsl Boad membaz** weh geh voat een Satideh, Janiweri 18, 2025, da Swift Haal eena Bileez Siti wid nyoo prezident Mista Wilford Felix...ahn tu **di nyoo PG branch weh di laanch bak Febiweri 1^s da PG!** Moa pahn di nyoo leedaz eena neks aatiki.*